



**Amor Deiparæ Virginis Mariæ; Petri Antonii Spinelli
Neapol. Societ. Iesv**

Spinelli, Pietro Antonio

Coloniæ Agrippinæ, 1620

Officium B. Virginis, nu. 1

[urn:nbn:de:hbz:466:1-60948](#)

SECUNDVM GENVS
obsequiorum.

Mortificationes, & corporis afflictiones in honorem Deipara. num. 17.

Eorum exempla, quiete ieiunium, vel aliud pietatis opus propter Deiparam exercebant, num. 18.

*Imperatorum, & Regum in Deiparam pie-
tas Sabbato, vel alijs eidem dicatis diebus, num. 19.*

*Deipara miracula, & beneficia in eos, qui
ieiunium, vel aliam mortificationem etiam interierent in eius honorem suscepere num. 20.*

TERTIVM GENVS
obsequiorum.

Opera misericordia tum spiritualia, tum corporalia in honorem Deipara, num. 23.

III.
OFFICIVM B. VIRGINIS.

I **N**TER preces, quæ in Deipara honorem suadi possunt. Tertio loco recensimus Officium, quod vocant paruum beatæ Virginis, quod

quod Urbanus Secundus anno millesimo nonagesimo quarto in Concilio Claremontensi iussit in honorem Virginis in Ecclesia quotidie recitari; quem admodum capit. 29. retulimus: ubi etiam diximus, quinam ad illud persolverendum teneantur, post Pij Quinti Pontificis Maximi tempora, cuius iussu anno millesimo quingentesimo septuagesimo primo idem B. Virginis Officiū, adiunctis precibus reformatum prodidit, adiectis indulgentiis, quas illud, vel alias orationes eodem volumine insertas recitantibus, idem Pius Quintus benigne est clarius. Illud certe præclarum, quod in vita sancti Brunonis apud Surium die 6. Octobr. de hoc Officio Deiparae scriptum inuenimus, & nos cap. 35. uberioris narravimus de Carthusianis primis Patribus, absente S. Brunone, magnis animi angustijs exagitatis, quibus S. Iohannes plures Petrus Apostolus apparuit Virginis praesidium promisit, si in eiusdem honorem preces horarias quotidie recitarent. Quare animi laetitia mirifice perfusa, Deiparam sui Ordinis patronam delegit, citantes & ab ijs molestijs Virginis ope sunt liberati.

Petrus Damiani apud Baronium Simile ex-Tomo II. ad annum 1056. narrat in emplu de-

Mo-

*Monaste-
rio Gamu-
gensi.*

*Pet Da-
mianus.
Baron.*

*Officij B.
Virg. reci-
tandi usus
frequen-
tissimus.
Exemplū
de fratre
Regis Hū-
garia.*

Monasterio Gamugense statutum fuisse, ut cum horis Canonicas quotidie B. Virginis quoque Officium diceretur: quod tamen post triennium recitare omisserunt. verum tot, tantisque aduersitatibus, deprædationibus, & rapinis eiusdem Monasterij bona diripi coepi sunt, vt Monachos omnes vitæ tæderet suæ. At Petrus Damianus, idcirco hæc ijs accidisse exprobrauit, quod de suo Monasterio matrem pietatis eiecerint. Quare humiliter prostrati, ac salutari correpti pœnitentia solitum Virginis officium nunquam se neglecturos vnamiter polliciti sunt, nec ita multo post ad mentis, animi q; serenitatem Virginis beneficio redierunt.

2 Hoc porro B. Virginis Officium adeo in omnium tum veterum, tum mulierum mores inductum cernitur; vt eorum, qui legere norunt, nemo ferè sit qui illud apud se habere, & interdum recitare non studeat. Et sanà benignissima Virgo eam pietatem miraculis aliquando comprobasse legimus, vt videre licet in fratre Regis Hungariæ, quem tempore Caroli Francorum Regis horas has dicentem clementer visitauit; à carnalibus nuptijs, quas solum contraxerat, ad castitatem in religione seruandam traduxit;

duxit; eiisque festum Conceptionis cele- *Tratt. de*
brandum edixit, quod fuisus in tractatu *festis*.
de festis Deiparæ ex Iacobo de Voragi- *Iacob. de*
ne, & ex Epistola Anselmi retulimus. *Voragine*.
Quare qui Virginis studiosi censentur,
eiusmodi officium piè recitare consue-
uerunt: cuius rei, omnibus satis quidem
explorate, exemplum vnum, vel alterum
proferamus.

S. Elisabetha Lusitanæ Regina sancti- *S. Elisabe-*
tate insignis (auctore nostro Petro Io- *tha Lusi-*
anne Perpiniano orat. 1. laudationis in *tania Re-*
candem singulis diebus officium diui- *gina*.
num, quod sacerdotes persoluunt, Se- *Ex Petro*
ptem Psalmos, & Defunctorum officiū *Perpinia-*
recitabat, quibus mira quadam religio- *na*.
ne adiiciebat officium paruum B. Vir-
ginis.

Beatus Iacobus Venetus Ordinis Præ- *B Iacobus*
dicatorum ab incunte ætate Aniæ ope- *Venetus*
ra in Deiparæ pietate est educatus: puer *Ord. Præ-*
verò Deiparæ officium quotidie recita- *dicatorum*
bat, statuirque reliquo viræ suæ tempo-
re illud non omittere. Postea verò deci-
moseptimo ætatis anno Ordinem Præ-
dicatorum complexus sanctitate, & mi-
raculis clarus, obiit anno 1314. ætatis 83.
Auctore Ferdinando Castillo in Chro- *Ex Chro-*
nic. Ordinis Prædicatorum part. 2. lib. 1. *Ord. Præd.*
cap. 26.

Huc

*Opuscula
S. Bonaventurae
in B.
Maria
Virginis
honorem.*

Huc reuocari potest id, quod sanctus Bonaventura Doctor verè Seraphicus, & studio erga Deiparam mirifice incensus in Deiparae honorem non minus pie quam eleganter excogitauit. Eam uero multa in Dei laudem edita, mutatis subinde verbis, Deiparae accommodauit; arq; ita integrum Dauidicum Psalterium, Cantica, quæ ex sacris literis in Officio recitantur, symbolum sancti Athanasi: *Quicunque vult salutem esse*, & Hymnum Sanctorum Ambrosij & Augustini, cuius initium est: *Te Deum laudamus*, in Deiparae laudem concinatis quibusdam verbis fælicissimè transtulit, ut videre est tomo secundo suorum Opuscularum.

IV.

LITANIÆ B. VIRGINIS.

¶ **Q**UARTO Litaniæ, quæ peculiariter in Virginis honorem sunt editæ, atque in templo Lauretano, & alibi decantari solent, sicuti magnam erga Virginem pietatem excitant: ita non sine insigni animarum & corporum emolumento à fidelibus usurpantur, ac pie recitantur. Earum præstantissimam quidem opem cum alijs complures, tum no-

stra